

si vns herWider Wider dieselben von hailigenberg vnd / von Rynegg Vnd die irm, sullen vnd Wellen, getrewlich aneinander beholffen sein, Vntz solich sach ausgetragen Vnd geendet werden Vnd als daz hernach an dem brief begriffen ist vnd verschriben / stet . . Des ersten ob sich fügte daz die Stözz vnd misshellung zwüschen vns vnd den obgenanten vom Hailigenberg vnd von Rynegg, sich zu offenn kryegen ziehen Wurden, Vnd daz vnser ege- / nanter herr von Osterrich mit siner macht besunder, oder Wir mit vnserer macht besunder, oder der egenant herr von Osterrich, Vnd wir mit einander in denselben kriegen, dhain Geslozz / Vest Stett Lewt oder gute Winmen, oder Wie die sust zu Jrm oder zu vnsern handen kämen Wie sich daz fügte die gelegen wëren in den nachgeschribnen krayssen, Des ersten. Von dem Nusspawm / ze Referers<sup>14</sup>, ob Werdenberg<sup>15</sup> da die Grafschafft von Sangans erWindet, Vnd von dannan abhin, Hie dishalb vnd enhalb des Ryns, vntz an den Bodensee Vnd von dannen hin Wideruff vntz in Sant / Johanner tal Vnd dasselb tal abe vntz in daz Turgow Dieselben geslos Stett vesten Lüt vnd Güter, die also gewinmen Wurden, oder sust zu vnserer obgenanter baiden tayln handen kämen, als / vorgeschriben steet . . Die sullen dem egenanten vnserm herren von Osterrich, Vnd sinen erben, Vnd Jm zu sein vnd siner erben handen, von vns yngeantwurt werden, an alle züspruch vnser des / egenanten von chur vnd vnserer mitgetayln, oder der die dann dieselben geslozz gewünnen oder genötget hieten vnd aller mænglich von vnsern Wegen, Vngeuärlich, ze glycher Wys fügte sich / Daz Wir mit vnserer macht besunder, oder der egenant Vnser herr von Osterrich, mit siner macht besunder, oder er Vnd wir mitenander, dhainerlay geslozz, Stett, vesten Lüt oder gute überkämen / vnd zu vnsern handen brächten, Die da gelegen wären ob dem obgenanten Nusspawm ze Referers<sup>14</sup> enhalb vnd dishalb des Ryns vntz vff Müntinen<sup>16</sup>, Dieselben geslozz Stett Vesten Lüt vnd güter / sullen vns dem obgenanten von Chur vnd vnsern mitgetayln, ouch sunderlich zugehörnd vnd yngeantwurt werden, an des egenanten vnser herren von Osterrich vnd siner erbn züspruch vnd irrung . . doch also . . daz dieselben geslozz, Stett vnd vesten, Vnd sunderlich die Veste Wartow<sup>17</sup>, die wir ieszund Jnnhaben, desselben vnser herren Von Osterrich vnd siner erben . offen huser / sein, eweklich, zu allen irm notdurfften, Wider allermænglich nieman ausgenomen, Vnd des sullen wir si ouch mit vnsern briefen vnd güter